

Akilerarusiinernik Aalajangiisartut aalajangiinerat

Kinaassutsimik uppersaaneq:	2023-29496
Aalajangiisoqarpoq:	22. Oktobari 2025
Aalajangiinerup tamanut saqqummiunneqarnera:	15. Marsi 2026
Ukiut aningaasarsiorfiusut:	2018 - 2022
Qulequtaq:	Akileraarutit
Sammisami oqaatsit atorineqartut:	Suliffeqarfissuup iluani nuussinernut aningaasartuuteqarnermut ilanngaait

Eqikkaaneq

Maalaaruteqartoq nunani tamalaani suliffeqarfissuup ilagaa. Maalaarutigineqarput suliffeqarfissuup iluani nuussinernut ukiumut ataatsimut 15 - 20 mio. kr.-inik aningaasartuutigineqarsimasut, kalaallit nunaanni ingerlatsivimmumt inissinneqarsimasut.

Akileraarnermut Aqutsisoqarfiup ilanngaateqarnissaq itigartitsissutigisimavaa, tassa aningaasartuutit Kalaallit Nunaanni isertitatut pissarsiarineqarnerinut pisariaqartumik atassuteqarnerinik kalaallit nunaanni ingerlatseqatigiiffiup uppersarsinnaasimangimmagit.

Maalaaruteqartoq isumaqarpoq aningaasartuutit ilanngaatigineqarsinnaasut. Isumaqtigiissut naapertorlugu kalaallit nunaanni ingerlatseqatigiiffiup pisussaaffimminik naammassinnissaanut aningaasartuutit pisariaqavissimangimmata aningaasartuutillu ilisimasallit qinikkanit sunnerneqaratik aalajangiisussaannerat naapertorlugu akinik aalajangersaaffigineqarsimmata.

Aningaasartuutitut inissinneqarsimasunut ilanngaateqartoqarsinnaannginnera Akilerarusiinernik Aalajangiisartunit aalajangiussimaneqarpoq. Aningaasartuutit kalaallit nunaanni ingerlatseqatigiiffimmi ingerlatsinermi aningaasartuutitut ilanngaatigineqarsinnaannerat maalaaruteqartumit uppersarneqarsinnaasimangilaq.

Suliassami pissusiviusut

Maalaaruteqartoq tassaavoq ingerlatseqatigiiffik nunanit allameersumik ingerlatseqatigiiffimmit 100 %-imik pigineqartoq. Maalaaruteqartoq sullissinikkut suliaqartarluni Kalaallit Nunaanni suliffeqarfimmik ingerlatsisuuvoq. 2021 tikillugu ukiut eqqarsaatigalugit aalajangersimasumik ingerlatseqarnermigut angusatigut maalaaruteqartoq Kalaallit Nunaanni killeqartumik akilerartartussaasimavoq. 2022 aallarnerfigalugu maalaaruteqartoq Kalaallit Nunaanni tamakkiisumik akilerartartussaasimavoq, tassa ingerlatseqatigiiffik Kalaallit Nunaanni aalajangersimasumik angerlarsimaffeqalersimammata.

Tamatuma saniatigut maalaaruteqartoq Kalaallit Nunaanni atorfeqartitaqarpoq aamma nunami X-imi allaffimmi atorfeqartitaqarluni. Nunami X-imi allaffiup ingerlatseqatigiiffik sinnerlugit sulisussarsiornermik, aningaasaqarnermut/naatsorsuutitut allattuinermik, akissarsialerinermik il.il. isumaginnittuuvoq.

Akileraarnermut tunngasut:

Maalaaruteqartup isertitai akilerarutigineqartussat ukiunut isertitaqarfiusunut 2018 - 2023-mut missiliuinikkut inissinneqarput.

Maalaaruteqartup ukiunut isertitaqarfiusunut 2015, 2016, 2017, 2018, 2019 aamma 2020-mut ukiuni 2019-2021-imut nammineerluni nalunaarsuiffimmik tunniussisimavoq, isertitat akileraarutaasussat ukiunut siullernut sisamanut isertitaqarfianatik akileraarutigineqartussaananatik ukiunili isertitaqarfiusuni kingullerni marlunni akileraaruteqarfiusussaasimallutik.

Akileraartarnermut Aqutsisoqarfiup ukiunut 2018 - 2020-mut nammineerluni nalunaarutigineqartut isertitanut akileraaruteqarfiusussanut atorfeqartut isertitaanik missiliuineq allanngortippai tassa G&A-mi akiliutinut (sullissinermi aningaasartuutit nalinginnaasut allaffissornermullu tunngasut) ukiumut ataatsimut 15 - 20 mio. kr.-inik aningaasartuuteqarsimanermut ilanngaateqarnissaq itigartinneqarluni.

Ukiunut isertitaqarfiusunut 2021-mut aamma 2022-mut maalaarutigineqartunut nammineerluni nalunaarsuiffiit Akileraartarneq pillugu Siunnersuisoqatigiinnut maalaarutip tunniunneqarnerata kingorna aatsaat tunniunneqarput. Isertitat akileraarutaasussat missiliuinikkut Akileraartarnermut Aqutsisoqarfimmit inissinneqarput, kingornali ukiunut tamanut 20 mio. kr.-inik qaffanneqarlutik. Ukiunut isertitaqarfiusuni 2021 aamma 2022-mi Akileraartarnermut Aqutsisoqarfiup qaffaaneri ukiunut isertitaqarfiusunut 2018 - 2020-imut suliamik suliarinninnerup malitsigisaraa.

G&A-mi akiliutit:

Suliffeqarfissuup iluani nuussinernut nuussineq pillugu akinut uppersaaneq malillugu maalaaruteqartoq ukununnga nuussisimavoq: Central Service Costs, Logistics Services Transactions, Back-office Services Transaction aamma Loan Transaktion. Ukiumut aningaasartuutit katillugit 35 mio. kr.-inik annertussuseqarsimapput, Akileraartarnermut Aqutsisoqarfiup suliaanut taamaallaat G&A-mi akiliutit pillugit nuussinernut tunngasuullutik, taanna Central Service Costs-inut ilaalluni. G&A-mi akiliutinut aningaasartuutit ukiumut 16 - 18 mio. kr.-inut allanneqarsimapput.

Central Service-mi Aningaasartuutitut tunngasut suliffeqarfissuup iluani nuussinerit

Aningaasartuutit taakku ukununnga agguarsimapput:

1. GSD-service-mi aningaasartuutit, toqqaannartumik teknikimut imaluunniit allaffissornermut akiliutaasartuusut. Akiliutinik atuinermut naapertuuttuusut aningaasartuuteqarfiusunut ataasiakkaanut inissinermi najoqqutat tunuliaqutaralugit GSD akunnaallineqartarpoq. Akiliutinut ilaapput aqutsisut paasissutissiisarnermi aaqqissuussinerat, akissarsiat naatsorsuutinullu allattuineq, pisiortorneq, nunarsuaq tamakkerlugu sulisussarsiorneq, isumaqatigiissutit sulisoqarnermullu tunngasut.
2. G&A servicemi aningaasartuutit, ingerlatseqatigiiffimmiit aqutsisumiit nalinginnaasumik aqutsinikkut/allaffissornikkut aningaasartuutaasartut, suliffeqarfissuarmi immikkoortunut ataasiakkaanut inissinneqarsinnaanngitsut. Ingerlatseqatigiiffik aqutsisuusoq ilisimatitsivoq taamatut sullissineq suliffeqarfissuarmut tamarmiusumut iluaqutaasoq. Erseqqinnerusumik taakku niuernermik aqutsinermut, aqutsisut paasissutissiinermi aaqqissuussineranut, akissarsianut naatsorsuutinullu allattuineranut, inatsisilerineranut, pisiortornermut, nittarsaanermut suliatigullu kiffartuussinernut tunngasuupput. Aningaasartuutit taakku agguassinermi najoqqutat uku tunngavigalugit agguarneqartarput:

x-mik isumaqatigiissuteqarnermut toqqaannartumik aningaasartuutit / isumaqatigiissutinut tamanut toqqaannartumik aningaasartuutit katinneri

G&A service cost pillugu immikkoortiterinernik Akileraartarnermut Aqutsisoqarfik tigusaqarsimavoq.

Immikkoortiterinerup takutipppaa:

- G&A-mi aningaasartuutit tamarmiusut, immikkoortortaqrarfinnut kontonullu agguarsimasut.
- Toqqaannartumik isumaqatigiissutinut aningaasartuutit tamarmiusut isumaqatigiissutinut ataasiakkaanut agguarsimasut.
- Kalaallit Nunaanni pilersaarummut tunngasut isumaqatigiissut pillugu toqqaannartumik isumaqatigiissuteqarnermut aningaasartuutit tamarmiusut.

Maalaaruteqartup ilassutigalugu ilisimatitsissutigaa:

1. G&A aamma GSD/servicecenterit aaqqissugaanerit takutitsisumik allaaserinnittumillu suliffeqarfiup aaqqissugaanerit titartakkamik allatigulluunniit atortunik aalajangersimasunik nassaassaqqanngilaq. *Immikkoortortat sullissinerillu pillugit allattuineq nassiunneqarsimavoq.*
2. G&A-mi akiliinerit suut atorneqarsimanersut 2020-milu qanoq akulikitsigisimanersut erseqqissaqquneqarmata ilisimatitsissutigineqarpoq "G&A-mi akiliinerit tamarmik maalaaruteqartumit atorneqarsimasut. Sullissinerit G&A-mi aningaasartuutit inissinneqarsimasunut atassuteqartut maalaaruteqartumut iluaqusiipput, tassa taakku suliffeqarfiup ingerlanneqarnissaanut pisariaqarmata. G&A-mi immikkoortinneqarsimasunit sulinerit sullissinerillu saniatigut maalaaruteqartup isumaqatigiissutini naammassisinnaanngilaa aamma sullissinerit taakku malunnaatilimmik qaffasinnerusumik aningaasartuuteqarluni allamiit pisiarineqarsimasariaqarlutik.

GSD-mi sullissinerit paarlattuannik piffissamut atuinermut toqqaannartumik akiliisoqarnissaanut G&A-mi immikkoortortat akileeqqusineq ajorput, aamma tapersorsorneqarnissamik noqqaassuteqarsimasunut suliniutinut pilersaarutinulluunniit aalajangersimasunut taakku atortarnagit. Taamaattumik sullissiviit ataasiakkaat Kalaallit Nunaanni pilersaarutinik imaluunniit pilersaarutinut allanut G&A-mi sullinneqartunik isumaqatigiissutinut qanoq akulikitsigisumik atuinerannut toqqaannartumik naapertuuttumik tamakkiisumik isiginnilernissaq ajornarpoq."
3. G&A-mi aningaasartuutiginneqarsimasut iluaqutaanerisa naliinik erseqqissaaqqulluni noqqaasoqarnerani ilisimatitsissutigineqarpoq "G&A suliffeqarfissuup suliniutaanut pilersaarutaanullu tamanut atorneqartartoq, Maalaaruteqartumullu iluaqutaanera tassaalluni 1) pilersaarutini ataasiakkaani toqqaannartumik toqqaannangitsumillu aningaasartuutit agguarneqarnissaannut periarfissaqarneq, tamannalu pilersaarutit aningaasartuutitigut iluanaaruteqarnissaannik tunngavissaqaraangata immikkut atorneqartarluni, tassa akiligassanngortinneqarnissaa piumasarineqartarmat 2) G&A-mi akiliutit suliffeqarfiup ingerlanneqarnissaanut pisariaqartuupput 3) maalaaruteqartup isumaqatigiissuteqarfiullu akornanni isumaqatigiissutaasoq isumaqatigiissummi akiusoq, Kalaallit Nunaanni pilersaarummut ikorfartuisutut ingerlatseqatigiiffimmit aqutsisuusumit aningaasartuutit akilernerneqarnissaannik tunngaveqartarpoq. Maalaaruteqartoq G&A-mi immikkoortitaniit akiliinernik tigusaqanngippat taakku isertitai taamaaqataanik appasinnerussapput. Tassa G&A-mi nammatassat akiligassiissummi sullitamut (isumaqatigiissuteqarfiusumut) nassiunneqartumut ilaatinneqartarput".
4. Maalaaruteqartup aamma ingerlatseqatigiiffiup aqutsisuusup akornanni suliffeqarfissuup iluani sullissisoqarnissaanik isumaqatigiissusiortoqarsimanngilaq.
5. G&A-mi aningaasartuutit pillugit agguaassinissamut najoqqutassaq ataaseq atorneqarpoq.
6. Qallersaqarfiup "Corporate Home Office"-imi aningaasartuutaasa 88,7 %-ii isumaqatigiissuteqarfiusunut ataasiakkaanut inissinneqartarput.
7. Aningaasat tamarmiusut sullissivinnullu inissiisarneq pillugu naalagaaffimmi isumaqatigiissutitigut suleriaaseq nalinginnaasumik nunani allani atugaasoq suliffeqarfissuarmut malinneqarpoq.

Maalaaruteqartup paasinninnera

Kalaallit Nunaata isumaqatigiissutaa naapertorlugu taassuma pisussaaffimminik naammassisaqarsinnaaneranut sullissinerit Kalaallit Nunaanni immikkoortumut pisariaqarluinnartuupput, tamatumalu malitsigisaanik sullissinernut atatillugu aningaasartuutit Kalaallit Nunaanni immikkoortortap isertitanik pissarsinissaanut, qulakkeernissaannut ingerlatiinnarnissaannullu aningaasartuutiginneqarlutik.

Taakku saniatigut G&A-mi akiliinernut aningaasartuutit immikkut matussusernissaannut isumaqatigiissummi naatsorsuutigisat naapertorlugit Kalaallit Nunaanni immikkoortortamut isumaqatigiissuteqartumit akissarsiat

akilerneqarput, taamaalilluni isertitani akileraarutaasussani G&A-mi DKK-init atorneqartut aamma DKK isertitaasut ataasiakkaat akornanni toqqaannartumik atassuteqarlutik.

Aammattaaq G&A-mi akiliinerit, Kalaallit Nunaanni immikkoortortamut ingerlatseqatigiiffimmit aqutsisuusumit tunniunneqartut ilisimasallit qinikkanit sunnerneqaratik aalajangiisussaanagerat tunngavigalugu akitigut aalajangersarneqarlutik.

Taamanikkut XX Kalaallit Nunaat pillugu isumaqatigiisummik tigusaqarmat peqataasumut attaviittumut XX-imut G&A-mi akiliutit assingi ingerlatseqatigiiffiup kingusissukkut tunniussineranit tamanna uppersarneqarpoq. Nuussineq taanna OECD-ip najoqqutassiaa naapertorlugu nakkutigisaanngitsumik nuussinertut (CUP) assersuunneqarsinnaasut atorneqarsinnaavoq.

Periutsip CUP-ip atorneqarnera G&A-mi akiliutinut pineqartunut taamaaqataannut G&A-mi akiliutit pillugit ingerlatseqatigiiffimmit aqutsisuusumut XX-ip akiliutaanut akimik misissueqqissaartoqarpoq. Misissueqqissaarnermi uppersarneqarpoq G&A-mi akiliutinut pineqartunut Kalaallit Nunaanni immikkoortortamiit ingerlatseqatigiiffimmit aqutsisuusumut akilerneqartut akissarsiassat ilisimasallit qinikkanit sunnerneqaratik aalajangiisussaanagermik tunngaveqarnermut naapertuupput.

Ingerlatseqatigiiffimmit aqutsisumiit G&A-mi aningaasartuutit agguarneqarneri, piffissamut tulliuuttumuinnaq, kalaallit nunaanni isumaqatigiissutip assinganik piginnittutut ingerlatsisutullu attaviitsutut peqataasutulli ingerlanneqarsimmata tamatuma aamma uppersarparaa G&A-mi aningaasartuutit Kalaallit Nunaanni immikkoortortamut "niuernerimi immikkoortup aningaasartuutaat" aamma "niuernikkut pisinnaatitaaffiuneertut" taaneqarsinnaasut.

G&A-mi akiliutit erseqqissumik Kalaallit Nunaanni immikkoortortamut iluaqutaapput aamma Kalaallit Nunaanni immikkoortortamit ingerlanneqanngitsunut ingerlatanut attuumassuteqarnatik. Iluaqutaasimangippata imaluunniit issuaaneruppata taakku akilerneqarnissai isumaqatigiissuteqarsimasup akuerisimassanngikkaluarpai tamakkiisumik sukumiisumillu misissuisoqareerneratigut isumaqatigiinniarnerrillu ingerlanneqarnerisigut.

Inatsisitigut malittarisassanut inatsisillu tunngavigalugit sulinermut innersuussinerit

Ingerlatsinerimi aningaasartuutinut ilanngaait pillugit:

Ernianut aningaasartuutinut ilanngaateqarsinnaanermit inatsisitigut tunngavigineqartoq, Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkut allannguuteqartumi § 24, imm. 1 nr. 3-mi nassaassaavoq.

§ 24. Aningaasarsiat akileraaruteqaataasussat naatsorsorneranni ilanngaatigineqarsinnaapput:

1) Ingerlatsinerimi aningaasartuutit, tassa imaappoq aningaasarsiat piniarnerannut, isumannaarnissaannut allanngutsaaliorniarnernullu ukiup ingerlanerani atorneqarsimasut, taakkununga ilanngullugit akileraarnermi nalikilliliinerit. Akileraarnermi nalikilliliinerit maleruagassiat aammalu pigisat nalikilliliiffigineqarsinnaasut allamut tunineranni il.il. iluanaarutit annaasaqaatilluunniit akileraarnermut tunngasumik suliarineranni maleruagassat naalakkersuisut aalajangissavaat,

Inatsimmi aalajangersakkami ilanngaait pillugit ataatsimik piumasaqaateqartoq ersippoq:

- aningaasartuut uppersarneqarsinnaassasoq
- akilerneqarsimassasoq
- aamma isertitaqarnermi aningaasartuuteqartoqarsimasoq.

Uppernarsaat akiligassatut allatulluunniit uppernarsaatitut iluseqarsinnaavoq aamma nalunaarsuinerit suulluunniit uppernarsaaserneqarlutik tunngaviusumik ilanngunneqartassapput.

Aalajangersagaq akileraarutitigut aningaasartuummut taaguummur tungavissiivoq. Inatsisissatut siunnersuummut nassuiaatinit aningaasartuutit pillugit taaguut una ilaatigut takuneqarsinnaavoq:

Aningaasartuutit ukiup ingerlanerani atorineqarsimassapput. Ukioq innersuussutigineqartoq tassaavoq ukioq aningaasarsiorfiusoq, tassanilu allanneqassallutik, piffissaq naatsorsuiffiusumi malittarisaq pingarneq tassaavoq qaammatini aqqaneq marlunni piffissaq. Aningaasartuut qaqugu atorineqassava, aningaasartuutit suussusianut piffissalersuisarnermi tunngaviusut atuuttut apeqqutaapput. Aningaasartuut ukiumut aningaasarsiorfiusumut attuumassuteqassasoq piumasaqaataanngilaq, tamanna pillugu aningaasartuut ukiumut aningaasarsianut sunnuteqanngilaq imaluunniit aningaasat aningaasartuutitut matusissutaasussat ukiumut aningaasarsiorfiusumit aallaaveqassapput.

.....

Ilanngaateqarsinnaanermut piumasaqaataavoq, aningaasartuut aningaasarsiarlu imminnut qanimut attuumassuteqassammata, pissutigalugu aningaasartuut aningaasarsianarnermut atorineqartussaammat. Matumuuna aningaasartuutit aningaasarsiallu akornanni atassuteqarneq piumasaqaataanera, eqqartuussisarnermi suleriaatsimi imatut oqaatigineqarpoq, atassutseqaat soorlu aalajangersimasuulluni erseqqilluniluunniit, ersarilluni paatsuugassaanani, toqqaannarluni, qanilluni imaluunniit erninnaarluni.

Suliffeqarfissuarni suliffeqarfissuarmi ingerlatseqatigiiffinnut allanut iluaqutaasumik sullissinernut aningaasartuutit ingerlatseqatigiiffik akiliisinnaavoq. Ingerlatseqatigiiffik aqunneqartoq sullinneqartut attaviitsut allat assigalugit assersuutigalugu ingerlatseqatigiiffimmit aqutsisumit sullissinermik pisippat aningaasartuutit akilerneqartup akileraarutitigut ilanngaatinissaanut ingerlatseqatigiiffimmut ajornartorsiutaassanngilaq. Suliffeqarfissuarni ingerlatseqatigiiffinnut taamaallaat iluaqutaasussamik sullissinernut aningaasartuutit pineqarpata tassani apeqqutaassaaq suliffeqarfissuarni ingerlatseqatigiiffiup ataasiakkaap sullissinernik iluaquteqartup ilanngaateqarsinnaatitaanera. Ingerlatseqatigiiffimi aqutsisumi aningaasartuutit akilerneqarsimasut, ingerlatseqatigiiffinni aqunneqartunut arlalinut qularutissaanngitsumik iluaqutaasut ingerlatseqatigiiffinni aqunneqartuni assigiimmik annertussuseqartumik ilanngaatigineqaannarsinnaanngillat, aningaasartuutitut attuumassuteqartunik ingerlatseqatigiiffit aqunneqartut assigiimmik sullissinernik iluaquteqarsimanngippata. Suliffeqarfissuarni ingerlatseqatigiiffimi allami ilanngaatigineqartussanngorlugit ingerlatseqatigiiffimi ataatsimi aningaasartuutit inissinneqarnerinut tunngaviusaaq aningaasartuutit ingerlatseqatigiiffimi ingerlatsineri aningaasartuutit isigineqarlutik ilanngaatigineqarsinnaaneri.

TP-mut akileraartitsineq (nakkutigisamik nuussisarnerit):

Inuit akileraartussaataitaasut assigiinnik soqutigisaqarsimappata aamma inuup aappaa inummik allamik pinngitsuuisinnaanngippat (nakkutigineqarsinnaanngippat) akileraarusersuinissap minnerpaaffiutinnissaa imaluunniit pinngitsoortinnissaa siunertaralugit nuussinerit il.il. ingerlanneqartut ulorianartorsiuleraannaassapput. Inuit akileraartussaataitaasut nunani assigiinngitsuni angerlarsimaffeqarsimappata akileraarusiisarnerup, assersuutigalugu nunami akileraarnikinnerpaaffimmi inissinnissaa kissaataasinnaavoq.

Nakkutigineqartumik nuussinerni Kalaallit Nunaata iluanaarutigut annaasaqannginnissaa qulakkeerniarlugu isertitat akileraarusersorneri pillugit inatsimmi §§ 36 a – 36 d ikkunneqarsimapput. Aalajangersakkat siullit marluk suliami uani attuumassuteqarput.

§ 36 a-mi aalajangersakkanut kikkut ilaasinnaanersut nassuiarneqarpoq (ilaatigut inuit inatsisitigut suliffissuarmut qilersorsimasut), taakkualu imminnut niueqatigiinnikkut aningaasaqarnikkulluunniit nuussiffigeqatigiittarnerannut akinik atugassarititanillu assigiinnik atuisarnissaannik pisussaaffilerneqarput, tassalu illuatungeriittut imminnut atanatik suliaqarsimatillugit.

§ 36 b-mi aalajangersarneqarpoq akileraartussaataitasut aalajangersakkanut ilaasut nuussinerit innunut akileraartussaataitasunut atasut pillugit paasissutissiisarnissamik uppernarsaatissanillu toqqortuisarnissamik pisussaaffilerneqassasut.

§ 36 a-mut nassuiaatit malillugit tassani pineqarput nuussinerit nakkutigineqartut tamarmik illuatungeriit akornanni atassuteqartut. Assersuutigalugulu kiffartuussinernut, attartugassarsisitsinernut, pigisani nalilinnik nuussinerimut, pigisat nalillit tigussaasuunngitsut tunniunneqaqqinnerannut assigisaanullu attuumassusillit.

Inatsisissatut siunnersuutip tunuliarisaani kiisalu inatsimmi aalajangersakkanut ataasiakkaanut nassuiaatinit takuneqarsinnaavoq nuussinerit akii pillugit OECD-p najoqqutassiai akileraartarnermi oqartussat akileraarusiinerini atorneqassasut. Nassuiaatini assersuutigalugu imm. 2.2 takuuk:

Uppernarsaatit suut allat pisariaqarnerinik aallaaviatigut akileraaruteqartussaasut naliliissasut malittarisassatigut inissinneqarpoq. Naliliineq taanna akileraartarnermi oqartussat akileraarusiinerini nuussinerup akia pillugu OECD'p (Organisation for Economic Cooperation and Development) najoqqutassiaani tunngaviit atorneqarnerinik eqqarsaatiginnittariaqartoq. Akileraartarnermut oqartussat nakkutigineqartumik nuussinerimik naliliinissamut akileraaruteqartussaasup uppernarsaatai naammattumik tunngavissiiingitsutut nalilernerqarpata uppernarsaatinut imaluunniit paasissutissatut ilassutissanik noqqaasinnaapput.

Akileraaruteqartussaasoq allakkatigut uppernarsaatissanik suliaqarsimangippat nuussinerit nakkutigineqartut eqqarsaatigalugit isertitat akileraaruserneqartussat missiliuinikkut inissinneqarsinnaapput.

Akileraarusiinerimik Aalajangiisartut naliliineri tunngavilersuutaalu

Akileraarusiinerimik Aalajangiisartut assortuussutaanngitsumik tunngaviliuppaat G&A-mi akiliut pillugu maalaarutigineqartoq - ilanngaat imaluunniit naamik - nuussinerit nakkutigineqartut pillugit inatsimmut ilaasoq, tassa maalaaruteqartup ingerlatseqatigiiffiullu aqutsisup akornanni soqutigisat assigiimmata, Danmarkimi ingerlatseqatigiiffimmut aqutamut aningaasartuutit inissinneqarlutik aamma inissitat Kalaallit Nunaanni ingerlatsivimmud ingerlateqqinneqarlutik.

Maalaaruteqartup ilanngaat pillugu tunngavilersuutimi ilaatut tunngavilersuutigaa nuussinerit "ilisimasallit qinikkanit sunnerneqaratik aalajangiisussaaneranni piumasaqaat" atorlugu aki aalajangersarneqarsimasoq. Aningaasartuutit akilernerqarnissaannut ingerlatsinermi tunngavilersuuteqannginnermut innersuussilluni Akileraartarnermut Aqutsisoqarfiup ilanngaateqarnissaq itigartippaa aamma sullissinerit akiisa inissinnerinut isummersorneri.

Akilerarusiineramik Aalajangiisartut ingerlatseqatigiiffiup ataatsip suliffeqarfissuarmi allami akiliut ingerlatseqatigiiffiummut tiguisuusumut aningaasarsiornikkut naleqarnissaa pillugu OECD-ip najoqqutassiaa isumaqatigaat - Isertitat akilerarusorneri pillugit inatsimmi ingerlatsinermi aningaasartuutit pillugit taaguummut assersuunneqarsinnaalluni.

Ilanngaateqarnissamut pisinnaatitaaffiup nalilersornerani G&A-mi akiliutitut aningaasartuutit tamarmiusut annertussusii aningaasartuutillu agguarneri pillugit suliffeqarfissuup paasissutissiinera Akileraartarnermut Aqutsisoqarfimmit tunngavigineqarsimapput.

Akilerarusiineramik Aalajangiisartut taamaattumik "ilisimasallit qinikkanit sunnerneqaratik aalajangiisussaaneranni piunasaqaat" atorlugu akip aalajangersarneqarsimaneranut isummersorsimangillat, G&A-mi akiliutitut aningaasartuutit tamarmiusut agguarneritut inissiinissamut najoqqutaasimasooq eqqarsaatigalugu. Aatsaat akiliut maalaaruteqartumi ingerlatsinermi aningaasartuutitut ilanngaateqarsinnaasutut isigineqarsinnaappat "ilisimasallit qinikkanit sunnerneqaratik aalajangiisussaaneranni piunasaqaat" atorlugu akimut aalajangersarneqartumut isummersortoqarsinnaavoq.

G&A-mi akiliutitut agguarneqarneri agguaanermi najoqqutat uku tunngavigalugit pisimapput:

x-mik isumaqatigiissuteqarnermut toqqaannartumik aningaasartuutit / isumaqatigiissutitut tamanut toqqaannartumik aningaasartuutit katinneri

Aningaasartuutivigineqarsimasut tamarmik Kalaallit Nunaanni pilersinneqarsimasunik kaaviiartitanik tunngaveqartut Kalaallit Nunaanni isertitat akilerarusarneqartussat naatsorsorneritut inissinneqassapput. Aningaasartuutit inissinneqarneri immersuisoqarneratigit pisinnaangillat, aningaasartuutillu aalajangersimasumik nalilerneratigit pisussaalluni. Aningaasartuutit ingerlatseqatigiiffimmit aqutsisumit akilernerneqarsimasut ingerlatseqatigiiffiit arlallit nakkutigineqartut ingerlataannut iluaqutaassappata ingerlatseqatigiiffiit ataasiakkaat ingerlataannut atassuteqartumik iluaqutaasup nalianut naleqqiullugu naapertuuttumik aningaasartuutit agguarneqassapput. Taamaalluni ingerlatamut isertitamik pilersitsisumut qanittumik atassuteqartoqassaaq. Taamatut atassuteqartoqangippat kalaallit nunaanni ingerlatsisumut aningaasartuutigiit inissinnerisut taamaallaat pisinnaavoq.

G&A-mi akiliutitut ingerlatseqatigiiffimmit aqutsisumiit maalaaruteqartumut tunniunneqarsimasunut ilaapput malinninneq, ingerlatsinikkut ikiuineq, aqutsisuniit akiliutit periusissiatigullu akiliutit, maalaaruteqartoq naapertorlugu maalaaruteqartup isumaqatigiissummik tunineqarsinnaaneranut tunngaviusut, tassunga ilanngullugu kalaallit nunaanni isumaqatigiissut. Ingerlatseqatigiiffiup aqutsisup aamma aqunneqartup akornanni allakkatigit isumaqatigiissusiortoqarsimangilaq, maalaaruteqartorli ingerlatseqatigiiffimmik aqutsisumit isumaqatigiissut naapertorlugu kalaallit nunaanni isumaqatigiissummiit kaaviiartitat tamaasa tigussaaqqat, maalaaruteqartup isumaa malillugu, G&A-mi aningaasartuutitut tunngassuteqartut isumaqatigiissutit tamarmik aamma maalaaruteqartumut tunniunneqarsinnaassapput.

Suliffeqarfissuup pingaarnertut sulinera tassaavoq isumaqatigiissuteqarnikkut pilersaarutinik nunarsuaq tamakkerlugu ingerlataqarneq imminullu akilersinnaaneritut ilaatigit apeqqutaalluni aningaasartuutit matussuserneqarsimanersut taamaattumillu neqeroorutitut tunniunneqartunut atatillugu isumaliutigineqartariaqarlutik. Akilerarusiineramik Aalajangiisartut isumaat malillugu ingerlatseqatigiiffiup aqutsisup aningaasartuutaasa ilai Kalaallit Nunaanni maalaaruteqartup akilerarutitigit naatsorsuineranut ingerlaannartumik ilanngunneqarsinnaangillat.

Maalaaruteqartuq isumaqarpoq akiliutit pisariaqartuusut akiliutillu peqataasumit attaviitsumiit pisiarinqassappata imaluunniit maalaaruteqartup nammineq ingerlatassat suliarisussaagaluarpagit tamanna maalaaruteqartumut annertunerusunik aningaasartuuteqarnermik kinguneqassasoq. Akileraarusiineramik Aalajangiisartut isumaat malillugu aningaasartuutit maalaaruteqartumi ingerlatsinermi aningaasartuutit ilanngaatigineqarsinnaasutut isigineqarsinnaaneri pillugit naliliinissaq tulluurtutut isigineqanngilaq. Akileraarusiineramik Aalajangiisartut ilanngaateqarsinnaatitaanermut isummersortussaapput ingerlatseqatigiiffik qanoq pitsaatigisumik sinneqartoorsinnaanersoq isummersorfigisussaanaq.

Kiisalu maalaaruteqartumit allanneqarluni G&A-mi akiliutinut tunngasut maalaaruteqartup aningaasartuutai ingerlatseqatigiiffimmi aqutsisumi isertitatut allanneqarsinnaasut. Taamaattumik G&A-mi akiliutit Kalaallit Nunaannut inissinneqarnerisa atorunnaarsinneri suliffeqarfissuarmut marloqiusamik akileraarusiineritut kinguneqartussaalluni. Akileraarusiineramik Aalajangiisartut isumaat malillugu Kalaallit Nunaanni ilanngaateqarsinnaanermik naliliinissaq aamma tulluannilaq. Kalaallit Nunaanni akileraartarneq kalaallit nunaanni akileraartarnermi malittarisassat naapertorlugit pisussaavoq, taamaalluni aningaasartuutit (ingerlatsinermi aningaasartuutit) ilanngaateqartillugit maalaaruteqartumit isertitarineqartut, maalaaruteqartumit isertitatut pissarsiarineqartut isertitat Kalaallit Nunaanni isertitat akileraaruserneqartussanut ilaanissaat qulakkeerneqarluni.

Akileraarusiineramik Aalajangiisartut isumaqataapput aningaasartuutit inissinneqarsimasut namminerimi ingerlatanut assigiinnut matussutaasutut naatsorsuutigineqarsinnaannginneri. Paarlattuanilli maalaaruteqartumut iluaqutaasimasumik ingerlatseqatigiiffimmi aqutsisumi ingerlatat ingerlassimaneriniq uppersaatinik imaluunniit ilimanaateqarneriniq saqqummiussisoqarsimannngilaq aningaasartuullu ingerlatsinermi aningaasartuutit ilanngaatigineqarsinnaasutut isigineqarluni.

Maalaaruteqartup suliat tulleriiaarlugit allattorsimavai, tassani G&A-mut tunniussanut ilaasut nassuarlugillu VS-mut qanoq iluaqutaanersut. Nassuiaat tunngaviusupilussuarmik allaaserinnippoq. Tunniussat qanoq iluaqutaatigineri assortorneqarsinnaanngillat, aammali tunniussat ingerlaannaq takuneqarsinnaanani tunniussat iluaqutaaneri ingerlaannaq takuneqarsinnaanani. Ingerlatseqatigiiffiup aqutsisup pisortaqtigiinnut, siulersuisunut, aningaasaliisunut, allaffissuup naatsorsuutaanut, nittarsaassinernut, neqerooruteqartitsinernut il.il. aningaasartuutai assersuutigalugu ukiunut isertitaqarfiusunut naammagittaallitigineqartunut ingerlatsinermut aningaasartuutaanersut takujuminaappoq.

Paasissutissat pigineqartut tunngavigalugit Akileraarusiineramik Aalajangiisartut G&A-mut tunniunneqartartunut aningaasartuutit nuunneqartut assortuussutaasut Kalaallit Nunaanni akileraarutaasussanut isertitanut naatsorsuutinut ingerlatsinermut aningaasartuutinut ilanngaataasussaataitaneri uppersarsarneqartutut isiginngilai. Akileraarusiineramik Aalajangiisartut taamaattumik ilisimasallit qinikkanit sunnerneqaratik aalajangiisussaananerit pillugu maalaaruteqartup tunngavilersuutaanut isummersunngillat.

Ukiunut isertitaqarfiusunut 2021-imut aamma 2022-imut tunngatillugu:

Ukiut isertitaqarfiusut 2018 - 2020 pillugit suliarinninnerup malitsigisaanik ukiuni isertitaqarfiusuni 2021-mi aamma 2022-mi G&A-mi akiliutinut aningaasartuutit pillugit ilanngaatinut Akileraartarnermut Aqutsisoqarfik isummersorsimavoq. Ukiut pillugit isertitat akileraaruserneqartussat missiliuinikkut inissinneqarsimapput, tassa ukiut pillugit nammineq nalunaarutit naatsorsuutillu tunniunneqarsimannngimmata. Isertitat akileraaruserneqartussat missiliuinikkut inissinneqarnerinut Akileraartarnermut Aqutsisoqarfik isummersorsimannngilaq, kisiannili G&A-mi akiliutit annertussusaaannut inissinneqartunut ilanngaateqarnissaq pillugu taamaallaat isummersorsimalluni. Naatsorsuutit pigineqanngimmata ukiuni isertitaqarfiusuni G&A-mi akiliutit pillugit ilanngaattissat missiliuinikkut inissinneqarsimapput

aamma isertitat akileraaruserneqartussat missiliuinikkut inissinneqarsimasut G&A-mi akiliutit pillugit missiuliuinikkut ilanngaattissat kingumoortumik iluarsineqarsimallutik.

Ukiuni isertitaqarfiusuni 2021-mi aamma 2022-mi G&A-mi akiliutinut aningaasartuutit inissinneqarsimasut pillugit missiliuineq maalaarutigineqanngilaq. G&A-mi akiliutinut aningaasartuutit inissinneqartut ukiut isertitaqarfiusut pillugit akileraarutaasussat naatsorsorneqarnerini ingerlatsinermi aningaasartuutit ilanngaatigineqarsinnaasutut isigineqanngillat.

Ukiuni isertitaqarfiusuni 2021-mi aamma 2022-mi G&A-mi akiliutinut aningaasartuutit inissinneqarsimasut pillugit ilanngaattissat pillugit paasissutissanik nutaanik saqqummertoqarsimannngilaq. Ukiuni isertitaqarfiusuni siusinnerusuni aningaasartuutit inissinneqarsimasut ilanngaatigineqarnissaanut tunngatillugu qulaatungaani tunngavilersuutinut innersuussilluni ukiunut 2021-mut aamma 2022-mut Akileraartarnermut Aqutsisoqarfiup inissiisimanini aalajangiussimavaa.

Akileraartarnermik aalajangiisartut aalajangiinerat

Ukiunut isertitaqarfiusunut 2018-2022-mut G&A-mut tunniunneqartunut aningaasartuutit illikartinneqartunut ilanngaatinik itigartitsineq Akileraartarnermut Aqutsisoqarfiup aalajangiussimavaa. Taamaalilluni naammagittalliortup Akileraarusiisarnernik Aalajangiisartunut naammagittaalliutaa ilalernerneqanngilaq.

Inatsisit tunngaviusut: § 24 Aningaasarsianit akileraarutit pillugit Inatsisartut inatsisaat nr 12, 2. november 2006-imeersoq kingusinnerusukkullu
allanngortinneqartoq.